



Më 04-09-2018

*Handwritten signature*

REPUBLIKA E KOSOVËS  
REPUBLIKA KOSOVA – REPUBLIC OF KOSOVO  
GJYKATA THEMELORE FERIZAJ

Numri i lëndës: 2018:017057

Datë: 31.07.2018

Numri i dokumentit: 00094118

P nr.1237/17

NË EMËR TË POPULLIT

**GJYKATA THEMELORE NË FERIZAJ**, Departamenti i Përgjithshëm-Divizioni Penal, gjyqtari i vetëm gjykues, Elmaz Zenuni, me sek.juridike Liridona Mehmeeti, në çështjen penale kundër të pandehurve: 1. [REDACTED] nga fshati [REDACTED] komuna e Lipjanit dhe 2. [REDACTED] poashtu nga fshati [REDACTED] komuna e Lipjanit, për shkak të vepres penale në bashkëkryerje sulmi nga neni 187 par.1 lidhur me nenin 31 të KPRK-së, sipas aktakuzës së PTH-së në Ferizaj PP/II nr.1046-1/2015 të dt.18.05.2017, pas mbajtjes së shqyrtimit fillestar me datën 31.07.2018, në praninë e përfaqësuesit të akuzës prokurorit të shtetit Albert Zejnullahu dy të pandehurve, në të njejtën ditë mori dhe publikisht shpalli, ndërsa me datën 01.08.2018, përpiloi këtë:

**A K T G J Y K I M**

**Të akuzuarit:**

1. [REDACTED] nga fshati [REDACTED] komuna e Lipjanit, i lindur me [REDACTED], në të njejtin vend, nga i ati [REDACTED] dhe e ëma [REDACTED], e vajzërisë [REDACTED], ka të kryer shkollën fillore, pensionist, i martuar baba i 9 (nënt) fëmijëve, i gjendjes së mesme ekonomike, me numër personal [REDACTED], shqiptar, shtetas i Republikës së Kosovës, mbrohet në liri,

2. [REDAKTUAR] poashtu nga fshati [REDAKTUAR] komuna e Lipjanit, e lindur me [REDAKTUAR] në të njejtin vend, nga i ati [REDAKTUAR] dhe e ëma [REDAKTUAR] e vajzërisë [REDAKTUAR] ka të kryer shkollën e mesme , amvise, e martuar nënë e 3 (tre) fëmijëve, e gjendjes së mesme ekonomike , me numër personal [REDAKTUAR] shqiptare, shtetase e Republikës së Kosovës, mbrohet në liri,

## JANË FAJTORË

Sepse:

me datën 24.06.2015, rreth orës 10:00, në Rrugën "Ahmet Kaçiku" afër Restorantit "Orhidea", pas mosmarrëveshjes lidhur me blerjen e banesës me të dëmtuarin [REDAKTUAR], të cilët të pandehurit fillimisht e fyen me fjalë e më pas në bashkëkryerje kanë filluar që ta godasin me grushta në fytyrë dhe trup , pra me dashje kanë përdorur forcën ndaj të dëmtuarit pa pëlqimin e tij,-

Me këte ka kryer veprën penale në bashkëkryerje sulmi nga neni 187 par.1 lidhur me nenin 31 të KPRK-së .

Andaj, Gjykata, në kuptim të nenit 187 par.1 të KPRK-së, dhe neneve 4,7, 8 par.1, 9,10 par.1,17 par.1, 21 par.1 dhe 2, 41, 42 par.1 nënpar.1.1, 43 par.1 nënpar.1.2 dhe 1.3, 45, 46, 47, 73, 74, të KPRK-së, si dhe nenit 365, 366 , 450 dhe 463 të KPPRK-së, të pandehurit i :

## GJYKON

1. [REDAKTUAR]

Denohet me DENIM ME ME GJOBË në shumën prej 150 eurove (me shkronja: njëqin e pesëdhjet euro), të cilin gjobë i pandehuri do ta paguaj pasi i që aktgjykimi të merr formën e prerë.

Nëse i denuari nuk dëshiron ose nuk mundet ta paguaj gjobën e shqiptuar me këtë aktgjykim, konform nenit 46 par.3 të KPRK-së, i akuzuari do ta vuaj denimin, me burg ashtu që për çdo 20 euro të denimit të shqiptuar do të vuaj 1 (një) ditë burgu pas plotfuqishmërisë së këtij aktgjykimi.

2. [REDAKTUAR]

Denohet me DENIM ME ME GJOBË në shumën prej 150 eurove (me shkronja: njëqin e pesëdhjet euro), të cilin gjobë i pandehuri do ta paguaj pasi i që aktgjykimi të merr formën e prerë.

Nëse i denuari nuk dëshiron ose nuk mundet ta paguaj gjobën e shqiptuar me këtë aktgjykim, konform nenit 46 par.3 të KPRK-së, i akuzuari do ta vuaj denimin, me burg ashtu që për çdo 20 euro të denimit të shqiptuar do të vuaj 1 (një) ditë burgu pas plotfuqishmërisë së këtij aktgjykimi.

I dëmtuari [REDAKTUAR] nga Fshati [REDAKTUAR] Komuna e Ferizajit, për realizimin e kërkesës pasuror juridike udhëzohet në kontest civil.

Obligohen të pandehurit që në emër të shpenzimeve të procedurës penale dhe paushallit gjyqësor secili veq e veq të paguajnë shumën prej nga 20.00 € në afat prej 15 ditëve, nga data kur aktgjykimi të merr formën e prerë, nën kërcënimin e përmbarimit të dhunshëm.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohen të akuzuarit që në emër të Taksës për Kompensimin e Viktimave të Krimit secili veq e veq të paguajnë shumën prej nga 30 eurove, në afat prej 15 ditëve, nën kërcënimin e përmbarimit të dhunshëm.

### A r s y e t i m i

Prokuroria Themelore në Ferizaj me aktakuzë PP/II nr.1046-1/2015 të dt.18.05.2017 ka akuzuar të akuzuarit: 1. [REDAKTUAR] nga fshati [REDAKTUAR] komuna e Lipjanit dhe 2. [REDAKTUAR] poashtu nga fshati [REDAKTUAR] komuna e Lipjanit , për shkak të vepres penale në bashkëkryerje sulmi nga neni 187 par.1 lidhur me nenin 31 të KPRK-së.

Gjykata, duke vepruar sipas aktakuzës së PTH-së, me datën 31.07.2018, mbajti shqytimin fillestar ku prezentuan prokurori i shtetit Albert Zejnullahu , dy të pandehurit,



ndërsa nuk ka prezentuar i dëmtuari, pasi që sipas nenit 245 par.7 të KPPRK-së nuk kërkohet prezenca e tij.

Konform nenit 246 të KPPRK-së të pandehurit pasi që iu janë dhënë udhëzimet nga ana e gjyqtarit gjatë shqyrtimit fillestar dhe të dytë përkitazi me pranimin e fajsisë se konform nenit 248 par.5 të KPPRK-së ka të drejtë edhe në këtë faze ta pranoj veprën penale, të akuzuarit secili veq e veq e kanë pranuar fajësinë sipas aktakuzës për veprën penale që i ngarkon prokurori i shtetit.

Në vlerësimin e pranimit të fajsisë së të pandehurit gjyqtari gjykues konform nenit 248 par.2 të KPPRK-së ka kërkuar edhe mendimin e prokurorit të shtetit dhe mbrojtësit të pandehurit, përkitazi me pranimin e fajsisë nga ana e të akuzuarit, ashtu që prokurori i shtetit, është pajtuar me pranimin e fajsisë nga ana e të akuzuarit të cilët kanë deklaruar se mundë të shkohet me shqiptimin e dënimit.

Gjyqtari gjykues ka vlerësuar se kërkesat nga neni 248 paragrafi 1 i KPPRK-së janë përmbushur, pasi që:

- Të pandehurit e kanë kuptuar natyrën dhe pasojat e pranimit të fajsisë,
- Pranimi është bërë vullnetarisht,
- Pranimi mbështetet në prova dhe fakte të çështjes penale që përmban aktakuza dhe materialet e prezentuara nga ana e prokurorit të shtetit me aktakuzë dhe ato: Deklarat e të pandehurve dhe e të dëmtuar dhënë në procedurën hetimore e dt. 24.06.2015 dhe 25.06.2015, Marrëveshja për shkëputjen e parakontratës e datës 12.07.2010, Vërtetimi për onfiskimin e sendeve si fotodokumentacioni të cilat gjinden në shkresat e lëndës,
- akuza nuk përmban asnjë shkelje ligjore ose gabime faktike, njashtu të akuzuarit janë udhëzuar nga ana e gjyqtarit gjykues edhe konform nenit 383 par.2 të KPPRK-së, përkitazi me të drejtën e ankesës vetëm për sanksionin penal, por jo edhe për shkak të gjendjes faktike, si dhe
- Konform nenit 257 të KPPRK-së, aktakuza nuk ka prova të pa pranuesheme.

Të akuzuarit [REDACTED] dhe [REDACTED] shqyrtimin fillestar në fjalën e tij në kuptim të mbrojtjes kanë deklaruar, pasi e kanë pranuar fajësinë lidhur me veprën penale që e

ngarkon prokuroria janë penduar thellë për atë që e kanë kryer, por theksojnë se nuk kanë mundur ti kontrolloj veprimet e veta në atë moment pasi kanë qenë të mashtruar nga ana e [REDAKTUAR] i kanë premtuar gjykatës se në të ardhmen nuk do të përsërisin veprë penale, kërkojnë falje për këtë veprim të vetin janë të martuar dhe kanë fëmijë dhe i kanë propozuar gjykatës që me rastin e matjes së dënimit si rrethana lehtësuese ti ketë theksësimet e sipër theksuara.

Vlerësuar nga aspekti juridik gjykata gjeti se në veprimet e të pandehurve kanë egzistuar të gjitha tiparet objektive dhe subjektive të cilat e përbëjnë figurën e veprës penale në bashkëkryerje sulmi nga neni 187 par.1 lidhur me nenin 31 të KPRK-së.

*( Nëse i pandehuri në shqyrtimin fillestar pranon fajësinë dhe Kryetari i trupit gjykues vlerëson se pranimi i fajit është bërë në pajtim me ligjin mund të vazhdoj procesin me shqiptimin e dënimit duke mos administruar fare prov, pa plotësuar trupin gjykues dhe pa e mbajtur fare shqyrtimin gjyqësor, si dhe pa paraqitur fare fjalë përfundimtare, lidhur me këtë shih Mendimin Juridik të Gjykatës Supreme të Republikës së Kosovës të evidentuar si GJA.nr.207/13 të dt.19.03.2013).*

Me rastin e matjes së llojit dhe lartësisë së dënimit gjykata pati parasyshtë të gjitha rrethanat në kuptim të nenit 73 të KPRK-së të cilat ndikojnë në llojin dhe lartësinë e dënimit, si rrethana lehtësuese mori se të pandehurit e kanë pranuar fajësinë në shqyrtimin fillestar gjyqësor, nuk ka të dhëna se me herët të kenë qenë të dënuar me aktgjykim të formës së prerë për vepra penale, përndryshe për veprën e kryer, kanë kërkuar falje për veprimet e ndërmarrura janë të martuar me fëmijë, i kanë premtuar gjykatës se në të ardhmen nuk do të përsërisin vepra penale, duke qenë e bindur se ne rastin konkret qëllimi i dënimit mund të arrihet, dhe një dënimi i tillë është në proporcion me peshën e veprës penale, shkallën e përgjegjësisë penale të pandehurve dhe rrethanave të kryerjes.

Mbi bazën e këtyre rrethanave gjykata vlerësoi shkallën e përgjegjësisë penale të pandehurve, dhe rrezikshmerinë konkrete të veprës penale në kuptim të gjitha këtyre rrethanave duke iu caktuar secilit veq e veq dënim më të butë dhe atë dënim me gjobë në lartësi prej 150 eurove.

Nëse të denuarit secili veq e veq nuk e paguajnë gjobën e shqiptuar me këtë aktgjykim, konform nenit 46 par.2 të KPRK-së, të akuzuarit do ta vuajnë dënimin, me burg ashtu që për

çdo 20 euro të denimit të shqiptuar do të vuaj 1 (një) ditë burgu pas plotfuqishmërisë së këtij aktgjykimi.

Mbështetur në nenin 450 dhe 451 të KPPK-së të pandehurit që në emër të shpenzimeve të procedurës penale dhe paushallit gjyqësor secili veq e veq të paguajnë shumën prej nga 20.00 € në afat prej 15 ditëve, nga data kur aktgjykimi të merr formën e prerë, nën kërcënimin e përmbarimit të dhunshëm.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohen të akuzuarit që në emër të Taksës për Kompensimin e Viktimave të Krimit secili veq e veq të paguajnë shumën prej nga 30 eurove, në afat prej 15 ditëve, nën kërcënimin e përmbarimit të dhunshëm.

Konform nenit 463 par.2 të KPPRK-së, i dëmtuari [REDAKTUAR] nga Fshati [REDAKTUAR] Komuna e Ferizajit, për realizimin e kërkesës pasuror juridike udhëzohet në kontest civil.

Nga sa u theksua ma lart gjykata vendosi si në dispozitiv të këtij aktgjykimi.

**GJYKATA THEMELORE NË FERIZAJ,**

**P.nr1237/2017 të dt. 31.07.2018**

Zyrtaja ligjore  
**Liridona Mehmeti**

Gjyqtari,  
**Elmaz Zenuni**



**KËSHILLA JURIDIKE:**

Kundër këtij aktgjykimi lejohet ankesa në afat prej 15 ditëve, nga dita e pranimit të këtij aktgjykimi Gjykates së Apelit në Prishtinë, ankesa dorëzohet nëpërmes kësaj gjykate.